


sclavitud

dies storia berdadero
di sclavitud colonial
hulandes



rijksmuseum, amsterdam

Rijksmuseum Amsterdam ta e museo nacional pa arte y historia Hulandes. E museo tin como meta pa ilumina tur aspecto di historia Hulandes. Sclavitud ta un parti integral di e historia aki. Door di studia e pasado y duna un narativo mas completo, nos por comprende e sociedad di awendia miho. Na 2021 un exhibicion - yama *Sclavitud* - a wordo presenta tocante historia colonial Hulandes. Rijksmuseum Amsterdam, ta honra pa presenta e exhibicion aki den un edicion special pa muestra rond mundo.

dies storia real

E exhibicion aki ta enfoca riba 10 historia real di hendenan cu tabata involvi cu sclavitud den un manera of otro: hende cu a haya beneficio for di e sistema, hende cu tabata esclavisa y esnan cu tabata tin e curashi pa protesta contra sclavitud. Con nan bida tabata ta? Con nan tabata relaciona cu e sistema di sclavitud? Nan tabata capas pa tuma decision riba nan mes?

E exhibicion ta basa riba obhetonan, fuentenan di archivo y oral di cual cada un ta duna nos informacion distintivo. Den combinacion, e fuentenan aki ta duna nos un bista mas cerca di con e hendenan tabata reacciona na e circunstancianan cu nan a topa. Via e codigo QR por scucha di dies hende cu ta biba den Reino Hulandes cu diferente antecendencia. Nan ta papia di e figuranan historico central y nan relacion personal cu e storia - storianan cu ta parti di historia internacional tambe y cu talbes tin un conexion cu bo historia of experiencia tambe.

Via e codigonan QR bo por lesa e texto tambe den Arabe, Chines, Frances, Hindu, Portugues, Ruso, Spaño y Swahili.



sclavitud colonial

Durante epoca colonial (1600-1900), bou gobernacion europeo, parti di e continente americano, Africano y Asiatico tabata colonisa of uza como luganan di comercio. Miyones di muhe, homber y mucha a wordo esclavisa y transporta for di Africa y Asia pa luganan leu. Nan, nan yiunan y generacionnan cu a sigui, tabata someti na un sistema cu a dehumanisanan y tratanan como propiedad basa riba e color di nan cuero of nan fe.

E Compania India-Oriental Hulandes (VOC) y e Compania India-Occidental Hulandes (WIC) tabatin un papel significant den e comercio di sclavitud colonial. VOC tabata concentra su actividadnan riba Zuid Africa y Asia, mientras cu WIC tabata concentra riba West Africa, Caribe y Noord cu Zuid America. Ambos compania di comercio a wordo estableci cu capital priva y estatal. Nan autoridad tabata parcialmente gubernamental. Den su totalidad Hulanda a esclavisa y bende mas cu 1 miyon hende. Nan a transportanan pa traha den plantacion, den casnan como cria, como artesano, den minanan of emplea den transporte y expedicionnan militar.

Sclavitud colonial tabata un sistema legalisa unda sernan humano tabata reduci den un propiedad cu por wordo intercambia. E forma di sclavitud aki a wordo aboli durante siglo 19. For di e momento ey, sclavitud ta wordo defini como crimen contra humanidad den un tras di otro declaracionnan internacional - e mas recien durante e Conferencia Mundial Contra Rasismo, Discriminacion di Rasa, Xenofobia y Intolerancia na 2001. Apesar di esaki, rastronan di e sistema aki tin un presencia den sociedadnan rond mundo. E exhibicion aki ta busca pa haya un comprendemento mas profundo den e sistema di sclavitud, door di mira e rol y influencia di individuonan den dje. E tin como meta pa haci preguntanan tocante inhusticia como un fenomeno universal y e rol cu individuonan ta hunga den e proteccion di derechonan humano.

